

Green Aruba 2015:

Di dia 26 pa 30 di october proximo



ORANJESTAD – Durante e ultimo siman di october Aruba lo ta anfitrión di e di seis conferencia Green Aruba, unda cu e topico di energia sostenibel lo ta e centro di atencion.

Energia sostenibel ta keda un topico relevante y di importancia den un mundo semper den pleno desaroyo. Pa e motibo aki, den margen di e Green Aruba Conference, lo tin un programa durante henter un siman cu lo wordo organisa hunto cu partnernan



local y internacional.

“Aruba Sustainable Week” lo consisti di Aruba Learning Event riba dia 26 y 27 di october; Green Aruba



2015 riba diana 27 y 28 di october y ECLAC riba diana 29 y 30 di october. Por ultimo, riba diana 30 y 31 di october Aruba lo ta sede di e reunion di Parlatino riba e topico di mina y energia. Por conta tambe cu participacion di parlamentarianan di varios pais na Green Aruba 2015, como un antesala na nan mes un conferencia.

Den e ultimo añanan Aruba ta moviendo cu pasonan grandi, haciendo bon uzo di oportunidadnan pa introduccion di tecnologia y otro metodonan pa tin miho control y principalmente reduci e uzo di awa y coriente. Esfuersonan ta tumando luga tanto di parti di gobierno y di parti di e companianan di utilidad, pero tambe di parti di nos comunidad mes.

Green Aruba ta un conferencia hopi conoci den nos region, unda cu ta trece hunto expertonan den e area di innovacion y desaroyonan riba e tereno di energia alternativo y sostenibel. Gobiernonan, companianan di utilidad, negoshinan y institutonan di estudio mundialmente reconoci ta topa na Green Aruba pa intercambia di idea, pa discuti y explora oportunidadnan pa nan organisacionnan, semper buscando alternativanan y solucionnan pa un mundo sostenibel y mas limpi. □